

毛詩古音攷

封爲應侯

加

音歌說文娶女師也从女加聲杜林說加敘於女也讀若阿古音可見

本證

女曰雞鳴

弋言加之與子宜之

說文宜从宀之下一之上

多省聲古文窠

旁證

子虛賦

弋白鵠連駕鵝雙鷁下玄鶴加

東

朔七諫

蓬艾親入御於牀第兮馬蘭蹠蹕而

日加棄捐葯芷與杜衡兮余柰世之不知

芳何

班彪北征賦

從聖文之克讓兮不勞師而

幣加惠父兄於南越兮黜帝號於尉佗

王褒

九懷余私娛茲兮孰哉復加還顧世俗兮壤

敗罔羅

阮籍元父賦

地下沉陰兮受氣匪和大

陽不周兮植物靡加

盧湛贈劉琨

義由恩深分

隨昵加綢繆委心自同匪他

來

音釐已見上舊以此音力乃以贈者則古無可考愚疑贈是貽字之誤貽我彤管貽亦贈也贈之以芍藥贈亦貽也然讀贈則義順而音終乖讀貽則音諧而義不悖惟達者詳之

本證

女曰雞鳴

知子之來之雜佩以贈之

將

音鏘有女同車佩玉將將庭燎鸞聲將將執競磬筦將將采芑八鸞瑤瑤烝民韓奕皆八

鸞鏘鏘烈祖八鸞鸛鸛音義皆同而字形有異

餐音千

本證

狡童

彼狡童兮不與我言兮維子之故使

我不能餐兮

伐檀

不狩不獵胡瞻爾庭有縣

貍

音暄

兮彼君子兮不素餐兮

芻證

古君子行

周公下白屋吐哺不足餐一沐三

握髮後世稱聖賢

易林大過之既濟

載餽茹田破

鉏失餐苗稼不闢獨饑於年

陸機日出東南隅行鮮

膚一何潤秀色若可餐窈窕多容儀婉媚

巧笑言

士

音始古士有二讀一與語韻相叶者如今讀一與紙韻相叶者聲常如始仕史使皆倣此

本證

裳

子惠思我褰裳涉洧

音

子不我思豈

無他士

祈父

祈父予王之爪士胡轉予于恤

靡所底止

甫田

攸介攸止烝我髦士

既

其僕

維何釐爾女士釐爾女士從以孫子

卷

阿藹

藹王多吉士維君子使媚于天子

常武

赫赫

明明王命卿士南仲大祖大師皇父

長發

允

也天子降于卿士

旁證

左傳南蒯歌

去我者鄙乎倍其鄰者恥乎已

乎已乎非吾黨之士乎

宋玉笛賦

纖悲微痛毒

離腴理激叫入青雲忼慨切窮士

秦瑯邪刻石

聖智仁義顯白道理東撫東土以省卒士

王褒洞簫賦

澎湃慷慨一何壯士優柔溫潤又

似君子

傅毅迪志詩

武丁興商伊宗皇士爰作

股肱萬邦是紀

崔駰太理箴

邈矣臯陶翊唐作

士設爲犴狴九刑允理

孔明梁甫吟

一朝被讒

言一桃殺三士誰能爲此謀國相齊晏子

潘岳關中詩

誰其繼之夏侯卿士惟系惟處別

營基時

謝靈運詩

慶雲惠優渥微薄攀多士念

昔渤海時南皮戲清汎

阪

音顯从反得聲反古音顯

本證

東門之墀

東門之墀茹蘆在阪其室則邇其

人甚遠

旁證

孔子丘陵歌

登彼丘陵剡施其阪仁道在爾

求之若遠

音演

○易林賁之鼎

東門之墀茹蘆在

阪禮義不行與我心反

晦

音喜風雨如晦雞鳴不已易林商風數起天下昏晦是其證也

佩

音皮釋名陪也言有陪貳也

本證

子衿

青青子佩悠悠我思

渭陽

我送舅氏悠

悠我思何以贈之瓊瑰玉佩

旁證

離騷

紛吾既有此內美兮又重之以脩能

音尼

扈江離與薜芷兮紉秋蘭以爲佩

達

他悅切

本證

子衿

挑兮達兮在城闕兮一日不見如三

月兮

長發

受大國是達率履不越

又

苞有三

蘂莫遂莫達

旁證

屈原九章

蹇蹇之煩冤兮，汨滯而不發。申旦

以舒中情兮，志沉菀而莫達。

楚辭九辯

何汨濫

之浮雲兮，焱壅蔽此明月。思昭昭而願見

兮，蔽氛曠而莫達。

邯鄲淳魏受命述

含光而弗輝

戢翼而弗發

音歇

將俟聖嗣是遂是達

雲

音銀

本證

出其東門

出其東門

音民

有女如雲，雖則如雲。

匪我思存，綯衣綦巾。聊樂我員。

韓奕

諸娣從

之祁祁如雲。韓侯顧之，爛其盈門。

崩證

九歌湘夫人

合百草兮實庭建芳馨兮廡門

九疑繽兮竝迎靈之來兮如雲

大司命

廣開

今天門紛吾乘兮玄雲令飄風兮先驅使

凍雨兮灑塵

班固東都賦

赫然發憤應者興雲

霆擊昆陽憑怒雷震

漢繁陽令楊君碑

功顯弗有

復入于林處靖衡門童冠如雲

存

音秦後轉而爲前音

魏

又帝短歌行仰瞻帷幕俯察几筵其物如

誅朝聞夕逝孔志所存皇惟一歿天祿永延聲之變也漸矣

本證

出其東門

詩見上

旁證

荀卿雲賦

失之則滅得之則存弟子不敏此

之願陳

戰國策引語

削株掘根無與禍隣禍乃

不存

楊雄解嘲

得士者富失士者貧矯翼厲翮

恣意所存

騷駒歌

騷駒在門

音民

僕夫具存騷

駒在路僕夫整駕

音額

曹昭東征賦

遽氏在城

之東南兮民亦尚其丘墳

真韻古詩去者日以疎來者口

以親出郭門直視但見丘與墳

唯令德而不朽兮身既歿

而名存

漢玄儒先生婁壽碑

身歿聲聞千載作珍緜

之日月與金石存

員

音云左傳行人子員注員音云說文註曰云籀書作員韓詩聊樂我魂白虎通魂者云也猶云汙行不休也員于爾輻景員維河皆讀云亦音運伍員員半千皆讀運蓋平去二聲耳

娛

音吳說文从女吳聲國語暇豫歌借爲吾劉芳詩義疏曰騶虞或作騶吾是虞娛哭吾古皆同音

本證

出其東門

雖則如荼匪我思且綯衣茹蘆聊

可與娛

旁證

優施歌

暇豫之吾吾不如鳥鳥人皆集於

苑已獨集於枯

願

上聲與婉溥叶溥音團上聲說文从水專聲顏師古糾繆正俗曰鄭詩零露漙漙兮古本有水旁作溥亦有單字者皆當讀上充切愚按專古讀上聲今讀平聲又說文漙亦云从卮專聲蓋溥垂露也漙小卮也址以專得聲則古音可識矣

本證

野有蔓草

野有蔓草零露漙漙今有美一人清

揚婉兮邂逅相遇適我願兮

旁證

易漸五上

終莫之勝吉得所願也其羽可用

爲儀吉不可亂

音戀也

易林鼎之節

安民呼池玉

杯大按泉如白密一挹獲願

劉向九歎

河水淫

淫清所願兮顧瞻郢路終不返兮

明

音芒白虎通清明風者清芒也古皆此音

本證

雞鳴

東方明矣朝既昌矣匪東方則明月

出之光

東方未明

東方未明顛倒衣裳

黃鳥

此邦

之人不可與明言旋言歸復我諸兄

信南山

祀事孔明先祖是皇

大明

肆伐大商會朝清

明

既醉

既醉以酒爾殽既將君子萬年介爾

昭明

民勞

式遏寇虐憯不與明柔遠能邇以

定我王

板

昊天曰明及爾出王

蒸民

肅肅王

命仲山甫將之邦國若否仲山甫明之

有駉

有駉有駉彼乘黃夙夜在公在公明明

有證

書賡歌

元首明哉股肱良哉庶事康哉

乾易

文言

潛龍勿用陽氣潛藏見龍在田天下文

明

禮記孔子閒居

無體之禮日就月將無服之喪

純德孔明

九章懷沙

玄文處幽兮朦朧謂之不

章離婁微睇兮瞽以爲無明

安世房中歌

孔容

之常承帝之明下民之樂子孫休光

長門賦

澹偃蹇而待曙兮羌亭亭而復明妾人竊

自悲兮究年歲而不敢忘

董仲舒救日食祝

炤炤

大明灋滅無光奈何以陰侵陽以卑侵尊

易林屯之既濟

棟隆輔強寵貴日光福善竝作樂

以高明

班固辟雍詩

抑抑威儀孝友光明於赫

太上示我漢行

夢

音民後轉音蒙潘岳哀永逝文既遇目兮無兆曾寤寐兮弗夢既顧瞻兮家道長寄心兮爾躬

本證

雞鳴

蟲飛夢夢甘與子同夢會且歸矣無

庶予子憎

斯干

下莞上簟乃安斯寢

平聲

乃寢

乃興乃占我夢

正月

瞻彼中林俟薪俟蒸民

今方始視天夢夢

又

民之譌言寧莫之懲

召彼故老訊之占夢

旁證

楊雄甘泉賦

般倕棄其剗剗兮王爾投其鉤

繩雖方征僑與偓佺兮猶彷彿其若夢

還

音周旋之旋沈約寘之先韻又寘之刪韻今則悉從刪韻而先韻廢矣

本證

還

子之還兮遭我乎猗之間兮

旁證

招魂

抑驚若通兮引車右還與王趨夢兮

課後先

鵬鳥賦

幹流而遷兮或推而還形氣

轉續兮變化而嬗

長楊賦

車不安軻日未靡